

## Ny Valosoa sy hadihady

Fitondrana Rajoelina

**Fitondrana mitsapatsapa, miana-draharaha,  
tsy manana fahaiza-manao**


**M**isy fanjakana ve eto? Mahafapo ve ny fianarana? Manana asa ve ny tanora? Mahavelona ve ny karama? Mahafapo ve ny fitsaboa? Mahafapo ve ny Jirama? Misy ve ny fandriampahalemana? Ireo no fanontaniana napetraky ny filohan'ny Repoblika, Rajoelina Andry, tamin'ny fampielezan-kevitra nataony fony izy kandidà. Namaly ireo tonga nanatrika ny fampielezan-kevitra hoe: "TSIA!". Efa ho efatra taona izao no nametrahan'ny Fitsarana Avo momba ny Lalampanorenana azy teo amin'ny toerana maha filohan'ny Repoblika azy. Azo haverina aminy ireo fanontaniana ireo. Raha ny resaka fitantanana ny Firenena no asian-teny dia iara-miaina ny fanaovana tsapatsapa toy ny mpiana-draharaha sy ny tsy fahaiza-manao ary ny fanitsahan'andraikitra. Resabe fotsiny ny filazana fa efa vonona ny vola entina manatanteraka ny IEM kaneva niova an-dàlana ho PEM sy Plan Marshall kaneva tsy nisy tanteraka ireo fa niverin-dàlana indray ka nanao "vely rano" isaky ny manonofy tetikasa ny filohan'ny Repoblika. Samy manao izay saim-patany ny ao amin'ny governemanta ary ny praiminisitra dia tsy ahitan-teny manoloana izany toe-draharaha izany. Ny fahefana mpanatantyeraka indray no mibaiko ny fahefana mpanao lalàna. Tsy manana ny fahaleovan-tenany intsony ny fahefana mpitsara fa miandry teny midina rehefa mamoaka didy. Tsy takona hafenina intsony ny fitokonana ataon'ny mpampianatra mpikaroka sy mpikaroka mpampianatra ary ny mpandrahara (PAT) noho ny tambikarama na karama tsy voaloan'ny mpitondra efa ho aman-taona. Miverimberina izany ao anatin'ny tao-pianaranana iray. Vokatr'izany dia matahotra ny hisin'ny taona fotsy ny mpianatra ka mihetsika ihany koa. Tokanana ny fianarana "manarampenitra" etsy sy eroa kanefa ny sasany dia lokoina lokom-boasary fotsiny kanefa ny fitaovana ao anatiny dia tsy zarizary. Eo amin'ny sehatry ny asa dia efa taorian'ny fanonganam-panjakana ny taona 2009 no amana hetsiny ny very asa. Taorian'ny nandraisian'ny filohan'ny Repoblika ny fitondrana ny taona 2014, indrindra rehefa niditra teto ny valanaretina, noho ny tsy fandraisana andraikitra ny mpitondra ara-potoana ka niditra tamin'ny fihiboana dia nikatona ny orinasa maro. Nitombo araka izany ny very asa, ary ny tanora efa tokony hiasa dia tsy mahita ka mirenireny etsy sy eroa. Ny filohan'ny Reoblika ihany no mamaly ny fanontaniana napetrany tamin'ny fampielezan-kevitra raha manana asa ny tanora na tsia. Raha ny vahoaka no hanontaniana

ny fananana asa ankehitriny dia ho toy ny tamin'ny fotoan'ny fampielezan-kevitra Rajoelina Andry ihany ny valinteny ary dia namita-bahoaka izany izy satria ao miha mitombo izay ty izy ny tanora tsy manana asa. Nampiakatra ny karama 25 sy 13 ary 5 isan-jato ary nampiakatra ny karamafarany ambany ho 250 000 Ariary ihany koa ny filohan'ny Repoblika tamin'ny kabariny ny 1 Mey 2022 satria hono tsapany fa tena tsy mahavelona intsony ny karama. Tsy misy dikany izany rah any fisondrotry ny vidim-piaainana no jerena. Natsangana etsy sy eroa ny hopitaly manara-penitra ary nolazaina fa tsy handoavam-bola ny fitsaboana. Laraha mahalala ny fimenomenonan'ny manana marary rehefa mandeha any amin'ireny toe-ram-pitsaboana ireny fa dia takiana saram-pitsaboana izay mandeha any. Maty antoka ireo mpampiassa angovo eo amin'ny asam-pivelomana satria dia mampiteny ny moana ny delestazy maharitra ora maro manerana ny Nosy. Efa betsaka ny hetsika nataon'ny mponina momba ny fahatahan'ny rano kaneva tsy mahita vahaolana momba ireo ny Jirama, mba tsy ilazana hoe ny mpitondra. Toa manusika hilaza fa tiana ho vonoina koa ity orinasam-pirenena ity ka homena ny tsy miakina indray ny fitantanana azy. Vao omaly ny omaly ny filohan'ny Repoblika no niaina ny fahatapahan-jiro, minitra vitsy, raha nikabary teny amin'ny CCI Ivato, ka nanontany hoe misy tomponan-draikitra ve ao amin'ity toerana ity. Toa tsy mahafantatra hoe izany no iainan'ny vahoaka Malagasy andro aman'alina. Tsy misy valaka amin'ny orinasam-pirenena Air Mad izay tena fanahy iniana mihitsy ny namotika azy ka nanangana ny Madagascar Airways izao fitondrana izay. Mitovy amin'izany koa ny fampotehana ny mpandrahara Malagasy eo amin'ny sehatra fanafarana entana ilain'ny mponina andavan' andro ka namoronana ny SPE. Tato anatin'ny herinandro vitsivitsy, ankoatry ny asan-dahalo any amin'ny Faritra maro eto amin'ny Firenena manadavan-taona, dia mahazo vahana ny fakana an-keriny an-tanàn-dehibe. Aman-jatony maro ny jeneraly sy ny manamboninahitra ambony ary amin'arivony maro ny mpitandro ny filaminana kaneva dia manjaka tante-raka ny tsy fandriam-pahalemana ka mihorohoro ny vahoaka. Rehefa valiana ireo fanontaniana napetraky ny filohan'ny Repoblika tamin'ny fampielezan-kevitra ireo amin'izao fotoana izao dia mifototra any aminy ihany satria tsy manana vahaolana amin'ireo izy ankehitriny.

Andry Tsiavalona

**KARAMA FARANY AMBANY HO 250.000 AR****Mbola tsy misy didim-panjakana fampiharana hoy ny Cnaps**

**M**ahakasika ny fam-pakarana ny karama farany ambany ho 250.000 Ar, indrindra ho an'ny amin'ny sehatra tsy miakina eto amintsika, nanambara ny ao amin'ny Cnaps, na ny tahirim-pirenena momba ny fiahiana ara-tsosialy, fa mbola tsy misy ny didim-panjakana fampiharana momba izany nataon'ny fanjakana hatreto. Milaza ny ao amin'ny Cnaps fa: "araka ny fanambarana nataon'Andriamatoa filohampirenenana ny voalohan'ny volana mey 2022 dia miakatra ho 250.000 Ar ny karama farany ambany ho an'ny sehatra tsy miakina ary miakatra 5% hatramin'ny 25% kosa ho an'ny mpiasam-panja-



kana. Ny CNAPS dia mampahfantatra antsika

karana karama izany, mifandray amin'ireo fanam-piana izay omen'ny CNAPS, dia miandry ny fivoahan'ny didim-panjakana, izay hamaritra ny fampiharana azy. Manamfy ihany koa ny CNAPS, fa ny fandoavana ny lat-sakemboka 3 volana faharoa 2022 (april, mey, jona) dia tsy mifarana raha tsy ny faha 31 jolay 2022. Noho izany, ireo mpampiassa izay tsy mbola nandoa ny telovolana voalohany 2022, sy ny taona taloha ihany no iharan'ny fitakiana". Arak'izany, mbo-la miandry ny fampakarana ny karama farany ambany, amin'ny sehatra tsy miakina, ho 250.000 Ar.

Niaina

mpikambana, fa ny fanta-terahana izany fampia-

**Tsy fanajana demôkrasia sy lalàna eto  
Nihaona tamin'ireo ao amin'ny  
HCDDED ny filoha Ravalomanana**

Noho ny tsy fanajana ny demôkrasia sy ny fanjakana tan-dalàna, ataon'ny fitondrana Rajoelina amin'izao fo-toana, ary ho fanamafisana ny antso efa nataony, ni-haona tamin'ireo ao amin'ny HCDDED: Haut Conseil pour la Défense de la Démocratie et l'Etat de Droit, no-tarihan'ny filohany Pierre Lenoble, teny Soanierana omaly, ny filoha Marc Ravalomanana, filohan'ny rodo-ben'ny mpanohitra RMDM, sady filoha nasiônalin'ny antoko TIM. Heverina fa voaresaka tamin'izany, izay tsy fanajana ny demôkrasia izay, sy ny tsy maha tan-dalàna ny fitondrana misy amin'izao, ka nanairan'ny filoha Ravalomanana ity rafitra ity hijery aakaiky izany, sy handray ny andraikitra tandrify azy ny mahakasika izay. Heverina fa voaresaka koa ny raharaha-pirenena amin'ny ankaboney, indrindra ny momba ny ho fiate-hantsika ny fididianana ho avy, izay mampanahy ny maro ny mety hisian'ny korontana, raha tsy ho tante-rahana mialohan'izany ny fikaonandoham-pirenena, hijerena ireo vaha-olana mahakasika ireo olana rehetra manodidina ity resa-pifidianana ity, toy ny resaka lisitra, ny rafitra mitantana fididianana,... Ka ho eken'ny rehetra ny vokatra hivoaka avy eo, rehefa voavaha mialoha ireo olana samy hafa.

Isambilo



Ny filoha Ravalomanana, nihaona tamin'ny HCDDED teny Soanierana omaly.

TONONKALO

**Miteny ny fiangonana**

Aza avela ho fotsy rora raha miteny ny fiangonana. Manaova dingana hirosoana ho amin'ny fifanatonana. Araraoty ny fotoana fa mijaly ny vahoaka, Aoka tsy ho lany andro miaro sezsy kapeoaka !

Aza avela ho fotsy rora raha miteny ny fiangonana. Ny fandavana ny teniny dia hitera-pifandonana. Asehoy fa olon-kendry ianao izay iantefan'ny teny, Ka araho ny soatoavina maha-gasy ray sy gasy reny !

Aza avela ho fotsy rora raha miteny ny fiangonana, Dia meteza hampiseho fa maminao ny fivondronana. Ny misaraka dia fasika , ny mitambatra dia vato. Adilahy sy fifandiranana , aoka ireny mba haato !

Aza avela ho fotsy rora raha miteny ny fiangonana. Avelao ny sakantsakana sy karazam-pandrahonana. Atsaharo ny herisetra , ny ady sy fifampihantsiana. Tombontsoam-pirenena , izay no tanjona hitodiana.

Aza avela ho fotsy rora raha miteny ny fiangonana. Mila anao mba hampiseho fa misy ny fahavononana. Malagasy miray hina sady tsy misara-bazana: Izay no ataovy tarigatra . MASINA NY TANINDRAZANA !

TSIMIMALO (05-06-22)

**PRIERE AU SACRE CŒUR**

Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Ny Toky R.